



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION

Kanal 10
Arben Ahmeti
Drejtör
Prishtinë



VENDIM

Lidhur me Rastin Nr. 2021/270 – Komisioni i Pavarur i Mediave (KPM) për Kanal 10 (Pala Përgjegjëse)

Faktet

1. Komisioni i Pavarur i Mediave (KPM) me datën 28 maj 2013 ka nxjerrë Rregulloren për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01. Me këtë rregullore është përcaktuar mënyra e kategorizimit, sinjalizimit dhe zgjedhjes së kohës së transmetimit të programeve të cilat mund të ndikojnë negativisht në zhvillimin fizik, mental, emocional dhe moral të fëmijëve dhe të miturve.
2. KPM ka bërë monitorimin e Palës Përgjegjëse për të vlerësuar pajtueshmërinë me rregulloret e KPM-së: Rregulloren KPM-2013/01 për Mbrojtjen e Fëmijëve dhe të Miturve në Shërbimet Mediale Audiovizuale, Rregulloren KPM-2017/07 për Komunikimet Komerciale Audiovizuale si dhe Kodin e Etikës KKPM-2016/03 për Ofruesit e Shërbimeve Mediale në Republikën e Kosovës, lidhur me transmetimin e përmbajtjeve programore të cilat mund të jenë të dëmshme për fëmijë dhe të mitur. Monitorimi është bërë për 24 orë brenda një jave nga data 22 deri 28 maj 2021.
3. KPM në bazë të Raportit të monitorimit të datës 15 qershor 2021 ka gjetur se Pala Përgjegjëse ka transmetuar serialet “Mr.Robot” dhe “The Gostwriter”, të cilat nuk i ka paralajmëruar dhe shoqëruar me shenjë përkatëse.
4. KPM, po ashtu ka gjetur se Pala Përgjegjëse serialet “Mr.Robot” dhe “The Gostwriter”, i ka transmetuar jashtë kohës së përcaktuar me rregullore, duke mos i kategorizuar, derisa i përkasin kategorisë së dytë dhe që duhet të shoqërohen me shenjë përkatëse 10+.
5. KPM, pas të gjeturave nga Raporti i monitorimit, me datën 16 korrik 2021 i ka dërguar Palës Përgjegjëse Njoftim për shkelje, me të cilin e ka njoftuar për shkeljet e bëra dhe i ka kërkuar të veprojë në pajtim me Rregulloren KPM 2013/01, duke i ofruar mundësinë që brenda afatit prej tre (3) ditësh të përgjigjen dhe të ofrojnë sqarimet e tyre në raport me shkeljet e lartpërmendura.

6. KPM, nuk ka pranuar përgjigje nga Pala Përgjegjëse pas dërgimit të Njoftimit për shkelje.
7. KPM, pas Njoftimit për shkelje ka bërë edhe një monitorim të dytë për të parë nëse Pala Përgjegjëse ka ardhur në pajtueshmëri me Rregulloren KPM-2013/01. Monitorimi është bërë për datat 28, 29 dhe 30 korrik 2021 dhe në bazë të Raportit të monitorimit të datës 6 gusht 2021 është gjetur se Pala Përgjegjëse ka vazhduar të transmetojë përmbajtje programore të cilat janë në kundërshtim me Rregulloren KPM-2013/01, duke mos i kategorizuar, paralajmëruar dhe sinjalizuar me shenjë përkatëse.

Analiza ligjore

8. Komisioni bazuar në të gjitha faktet dhe analizat e lartpërmendura konstaton se Pala Përgjegjëse është gjetur në shkelje të Rregullos KPM-2013/01.
9. Pala Përgjegjëse ka vepruar në kundërshtim me nenin 3, Kufizimet dhe obligimet e përgjithshme, paragrafi 3 të Rregullos KPM-2013/01, të cilët përcaktojnë se:

“3.Shërbyesit medial audio-vizuel të cilat transmetojnë radio/TV programe me përmbajtje të dëmshme për fëmijët, obligohen që ato programe t'i paralajmërojnë me sinjal akustik apo tekstual dhe t'i identifikojnë me simbolin përkatës vizual gjatë tërë kohëzgjatjes së tyre, sipas kategorizimit të programeve të përcaktuar me këtë rregullore.”

KPM, në bazë të Raportit të monitorimit ka gjetur se Pala Përgjegjëse me datën 22.05.2021 ka transmetuar serialin “Mr. Robot”, të cilin nuk e ka kategorizuar me shenjë përkatëse e ku ky serial është transmetuar edhe me datë 23.05.2021 rreth orës 04:00, dhe orës 21.00 si dhe serialin “The Ghostwriter” i transmetuar me datë 23.05.2021 rreth orës 22:18 dhe nuk paralajmërohet si program jo i përshtatshëm për fëmijë deri në moshën 10 vjeçare. Sipas Rregullos KPM-2013/01 programet e kategorisë së dytë mund të transmetohen prej orës 15:00-06:00. Zyra Ekzekutive e KPM-së gjithashtu ka gjetur se Pala Përgjegjëse në serialet e lartcekura të transmetuara nuk i përdorë piktogramet e parapara me Rregulloren KPM-2013/01 dhe nuk i paralajmëron në fillim në mënyrë akustike dhe verbale, duke bërë shkelje të nenit 7, Shenjat dhe piktogramet, paragrafi 1 dhe 2, të Rregullos KPM-2013/01.

KPM, në bazë të Raporteve të monitorimit ka gjetur se Pala Përgjegjëse gjatë ditëve të monitoruara ka vepruar në kundërshtim me nenin e lartcekur edhe gjatë transmetimit të serialit “Ten days in the valley”, të transmetuar me datë 28.07.2021 rreth orës 05:36 dhe me datë 29.07.2021 rreth orës 05:36 dhe orës 18:06, i cili nuk është transmetuar në kohë dhe në kushte të përcaktuara me Rregulloren KPM-2013/01, po ashtu nuk e ka paralajmëruar me sinjal akustik apo tekstual dhe nuk e ka identifikuar me simbolin përkatës e që do të duhej të kategorizohej si program i kategorisë së dytë.

10. Pala Përgjegjëse ka vepruar në kundërshtim me nenin 7, Shenjat dhe Piktogramet, paragrafi 1 dhe 2 të Rregullos KPM-2013/01, të cilët përcaktojnë se:

"1. Subjektet transmetuese do të përdorin piktogramet të paraqitura në Aneksin 1 të kësaj Rregulloreje."

"2. Shenjat e vërejtjes për Kategoritë e përcaktuara me këtë nen janë të detyrueshme për të gjitha programet e përcaktuara në nenin 5."

11. KPM, ka gjetur se Pala Përgjegjëse edhe pas Njoftimit për shkelje të dërguar nga KPM ka dështuar të veprojë në pajtueshmëri me Rregulloren KPM-2013/01. Duke u bazuar në Raportin e dytë monitorues është gjetur se Pala Përgjegjëse ka vazhduar të transmetojë përmbajtje programore të cilat janë në kundërshtim me Rregulloren KPM-2013/01, duke mos i kategorizuar, paralajmëruar dhe sinjalizuar me shenjën përkatëse.
12. Komisioni duke u bazuar në faktet e lartpërmendura ka gjetur se Pala Përgjegjëse ka bërë shkelje të nenit 3, paragrafi 3 dhe nenit 7 paragrafi 1 dhe 2, të Rregullores KPM-2013/01.

Vendim

1. Pala Përgjegjëse sanksionohet me Vërejtje, në pajtim me nenin 30, paragrafi 1 të Ligjit të KPM-së, për shkelje të nenit 3, paragrafi 3, dhe nenit 7, paragrafi 1 dhe 2, të Rregullores për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01.
2. Obligohet Pala Përgjegjëse që në afat prej dhjetë (10) ditësh, pas pranimit të këtij Vendimi, të bëjë kategorizimin e serialeve të cilat i transmeton, t'i paralajmërojë ato para fillimit me sinjal verbal dhe akustik dhe t'i identifikojë me simbolin përkatës vizual gjatë tërë kohëzgjatjes së tyre sipas kategorizimit të programeve të përcaktuara me Rregulloren KPM-2013/01;
3. Obligohet Pala Përgjegjëse që, duke u bazuar në nenin 3, paragrafi 5, të Rregullores KPM-2013/01, të nxjerrë Kodin Praktik në të cilin do të përcaktojë standardet vetërregulluese për transmetimin e programeve që mund të kenë ndikim të dëmshëm tek fëmijët dhe të miturit, dhe këtë Kod të miratuar ta sjellë në KPM brenda tridhjetë (30) ditësh pas pranimit të këtij Vendimi;

E drejta për ankesë

13. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
14. Bordi për Ankesa do t'i merr parasysh vetëm ankesat e bazuara në informacione ligjërisht relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.



Xhevat LATIFI
Kryetar



17.08 2021
Datë